



Adresa: **Ul. Grbavička 4**  
71000 Sarajevo  
<http://www.voda.ba>

tel. +387 33 565 444; 565 404; 565 400  
fax. +387 33 565 423  
e – mail: [jvp@bih.net.ba](mailto:jvp@bih.net.ba); [info@voda.ba](mailto:info@voda.ba)

Broj: UP-I/25-2-40-114-2/09  
Datum: 25.03.2009. godine

«Agencija za vodno područje rijeke Save» Sarajevo rješavajući po zahtjevu «BERLINA» d.o.o. Bihać u postupku izdavanja prethodne vodne saglasnosti za ispuštanje tehnoloških otpadnih voda poslovnog kompleksa (autoservis sa izložbenim salonom, tehnički pregled vozila i autopraona) na osnovu člana 107. i člana 139.stav 1. Zakona o vodama («Službene novine Federacije BiH», broj 70/06), člana 16. do člana 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 6/08) i člana 200. Zakona o upravnom postupku («Službene novine Federacije BiH», broj 2/98 i 49/99), donosi

### **RJEŠENJE** **o vodnoj saglasnosti**

1. Podnosiocu zahtjeva, «BERLINA» d.o.o. Bihać, daje se vodna saglasnost za ispuštanje tehnoloških otpadnih voda poslovnog kompleksa (autoservis sa izložbenim salonom, tehnički pregled vozila i autopraona) izgrađenog na zemljištu označenom kao K.Č. broj 2289/7 K.O. Kralje, a koja se nalazi u Bihaću ulica Plješevička.
2. Vodna saglasnost, iako se radi o izgrađenom poslovnom kompleksu, se daje radi pravičnog pristupa vodama, zakonskog načina osiguranja upravljanja vodama i ostvarivanja prava na vodu.
3. Ova vodna saglasnost se odnosi isključivo na ispuštanje tehnoloških otpadnih voda izgrađenog poslovnog kompleksa (autoservis sa izložbenim salonom, tehnički pregled vozila i autopraona) «BERLINA» d.o.o. Bihać i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda za čije izdavanje je nadležno Kantonalno ministarstvo poljoprivrede, vodoprivrede i šumarstva Unsko-Sanskog kantona u skladu sa članom 139. stav 2. tačka 1. i 2. Zakona o vodama («Službene novine Federacije BiH», broj 70/06).
4. Vodna saglasnost se izdaje na osnovu dostavljene dokumentacije, utvrđenog činjeničnog stanja i pod sljedećim uslovima:
  - 4.1. Radi mogućeg prosipanja otpadnih materija (ulja) podne podloge unutar prostora auto servisa treba izvesti pod blagim nagibom i isti mora biti «nepropustan», te obezbjeđen sa vodonepropusnim kanalima kojima bi se eventualne prosute otpadne materije (ulja) odvele u separator ulja.
  - 4.2. Skladištenje otpadnih materija (rabljena ulja) planirati u adekvatnim buradima i za ista predvidjeti izgradnju tankvana u kojima će se držati burad (bure) namjenjena za skladištenje rabljenih ulja. Zapremina tankvana mora biti dimenzionirana (izvedena) tako da u slučaju oštećenja buradi prihvati sva ulja iz isth.
  - 4.3. Atmosferske vode sa manipulativnih površina poslovnog kompleksa koje mogu biti onečišćene naftnim derivatima, kao i tehnološke vode autopraonice, će se prikupiti pomoću slivnika i linijskih rešetki i sistemom kanalizacije odvesti do uređaja za tretman tehnoloških otpadnih voda.

Za tretman tehnoloških otpadnih voda predviđen je tipski separator ulja i masti iz kojeg će se prečišćena voda upuštati u postojeći otvoreni kanal. Ovaj kanal predstavlja recipjent svih oborinskih voda naselja Kamenice i isti se planira zacjeviti nakon izgradnje kanalizacione mreže naselja Kamenice.

- 4.4. Odabrani separator ulja i masti mora biti trokomorni (komora za taloženje + dvije komore u kojima se vrši odvajanje ulja i masti) i mora osigurati da se čisti preljev može ispustiti u postojeći otvoreni kanal, odnosno da se zadovolje granične vrijednosti parametara definisane Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).
- 4.5. Za odabrani (ugrađeni) tipski separator ulja i naftnih derivata Investitor mora posjedovati prateću atesnu dokumentaciju.
- 4.6. Nakon uređaja za tretman tehnoloških otpadnih voda, a prije ispusta u recipjent (postojeći otvoreni kanal) potrebno je predvidjeti (odrediti) šaht (reviziono okno) za monitoring ispuštenih otpadnih voda.
- 4.7. S obzirom da se radi o objektima koji su u upotrebi podnosilac zahtjeva je obavezan prilikom podnošenja zahtjeva za izdavanje vodne dozvole ovoj Agenciji dostaviti Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoringa) i rezultatima monitoringa urađen u skladu sa Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).

Ispitivanje kvalitativnih i kvantitativnih karakteristika ispuštene vode u prijemnik vršiti u oknu za monitoring, nakon separatora ulja, a prije ispusta u prijemnik.

Elaborat o ispitivanju kvalitativnih i kvantitativnih karakteristika efluenta može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 132. stav 1. Zakona o vodama («Službene novine Federacije BiH» broj 18/98) i Pravilnika o uslovima koje moraju ispunjavati ovlaštene laboratorije, sadržini i načinu izdavanja ovlaštenja («Službene novine Federacije BiH» broj 54/99).

- 4.8. Sve uvjete propisane tačkama 4.3. do 4.6. ugraditi u projekat izvedenog stanja.
5. Poslovni kompleks «BERLINA» d.o.o. Bihać (autoservis sa izložbenim salonom, tehnički pregled vozila i autopraona), ne smiju biti u koliziji sa površinskim ili podzemnim vodama niti mogu da se nalaze u prostoru zaštitnih zona izvorišta vode za javno vodosnabdijevanje.
6. Nakon ispunjavanja svih prethodno propisanih uslova Investitor će zatražiti izdavanje vodne dozvole, u skladu sa članom 115. Zakona o vodama.
7. Ova vodna saglasnost se daje sa rokom važenja od 6 (šest) mjeseci od dana izdavanja ovog rješenja.
8. Investitoru se vraća ovjerena postojeća projektna dokumentacija na trajno čuvanje.

## Obrazloženje

«BERLINA» d.o.o. iz Bihaća se pismenim zahtjevom obratilo ovoj Agenciji tražeći izdavanje vodne saglasnosti za ispuštanje tehnoloških otpadnih voda poslovnog kompleksa «BERLINA» (autoservis sa izložbenim salonom, tehnički pregled vozila i autopraona), izgrađenog na zemljištu označenom kao K.Č. broj 2289/7 K.O. Kralje, a koja se nalazi u Bihaću ulica Plješevićka.

Uz zahtjev je dostavljena i pregledana sljedeća dokumentacija:

- Izvod iz sudskog registra o upisu subjekta «BERLINA» d.o.o. Bihać od 04.06.2008. godine, izdat od strane Općinskog suda u Bihaću.
- Kopija uvjerenja o poreskoj registraciji i identifikacijskom broju za «Berlina» d.o.o. od 07.12.2002. godine.
- Kopija rješenja o urbanističkoj saglasnosti broj: 03/1-23-1-7549/00-II od 02.06.2003. godine izdata od strane službe za prostorno uređenje, katastar i imovinsko-pravne poslove općine Bihać.
- Kopija rješenja o urbanističkoj saglasnosti broj: 03/1-23-1-7549/00-I od 21.08.2003. godine izdata od strane službe za prostorno uređenje, katastar i imovinsko-pravne poslove općine Bihać.
- Kopija rješenja o upotrebnoj dozvoli broj: 03/1-23-2-2861/03 od 09.09.2003. godine izdata od strane službe za prostorno uređenje, katastar i imovinsko-pravne poslove općine Bihać.
- Kopija rješenja o upotrebnoj dozvoli broj: 03/1-23-2-2862/03 od 09.09.2003. godine izdata od strane službe za prostorno uređenje, katastar i imovinsko-pravne poslove općine Bihać.
- Kopija rješenja o upotrebnoj dozvoli broj: 03/1-23-2-4469/03 od 13.10.2003. godine izdata od strane službe za prostorno uređenje, katastar i imovinsko-pravne poslove općine Bihać.
- Glavni projekat «Autoservis sa izložbenim salonom» urađen od strane «KURTIĆ» d.o.o. Cazin broj: 0017/98.
- Elaborat «Vodovod i kanalizacija - poslovni kompleks «BERLINA» d.o.o. Bihać, izrađen od strane d.o.o. «AQUA-PROJEKT» d.o.o. Bihać, novembar 2008. godine. Ovaj elaborat predstavlja dopunu glavnog projekta «Autoservis sa izložbenim salonom» broj: 0017/98.
- Dokaz o uplaćenju upravnoj pristojbi u iznosu od 35 KM na račun javnih prihoda Budžeta Federacije Bosne i Hercegovine kod UniCredit Bank br. 338-900-22115294-91, vrsta prihoda 722112, na ime izdavanja vodne saglasnosti (Zakon o federalnim upravnim pristojbama i Tarifi federalnih upravnih pristojbi – «Službene novine F BiH» br. 6/98).

U provedenom postupku, s obzirom da se radi o izgrađenom poslovnom kompleksu (autoservis sa izložbenim salonom, tehnički pregled vozila i autopraona) izvršen je obilazak objekata koji su predmet ove vodne saglasnosti, a tiču se prikupljanja, transporta, prečišćavanja otpadnih voda i njihovih konačnog disponiranja u planirani recipjent i tom prilikom je konstatovano je sljedeće:

- Poslovni kompleks izgrađen je na zemljištu označenom kao K.Č. broj 2289/7 K.O. Kralje, a koja se nalazi u Bihaću ulica Plješevička,
- Investitor (vlasnik) posjeduje upotrebne dozvole za sve predmetne objekte,
- Za prihvatanje tehnoloških otpadnih voda koje nastaju u sklopu poslovnog kompleksa (autoservis sa izložbenim salonom, tehnički pregled vozila i autopraona), izgrađena je kanalizaciona mreža, slivnici i podužni kanal sa rešetkama, kojima se sve tehnološke vode prikupljaju i transportuju do izgrađenog tipskog separatora ulja i masti,
- Ugrađen je separator ulja i masti za koji će Investitor u postupku pribavljanja vodne dozvole pribaviti atesnu dokumentaciju.
- Ispust iz separatora je u otvoreni kanal. Ovaj kanal predstavlja recipjent svih oborinskih voda naselja Kamenice i isti se planira zacjeviti nakon izgradnje kanalizacione mreže naselja Kamenice.

U skladu sa svim navedenim konstatovano je da sa aspekta sektora voda i priložene dokumentacije ne postoje zapreke da se Investitoru ne izda tražena vodna saglasnost za ispuštanje tehnoloških otpadnih voda, uz obavezu da prije zahtjeva za izdavanje vodne dozvole ispoštuje uslove koji su definisani ovom vodnom saglasnošću, pa je riješeno kao u dispozitivu ovog rješenja.

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM takse, prema tarifnom broju 3. Tarife federalnih administrativnih taksi.

**Po ovlaštenju  
Rukovodilac sektora za  
izdavanje vodnih akata**

---

**Nedžad Vilić, dipl.inž.građ.**

Dostaviti:

- «BERLINA» d.o.o. Bihać  
ul. Zagrebačka br.57, 77000 Bihać
- Federalno ministarstvo poljoprivrede  
vodoprivrede i šumarstva,
- FU za insp. poslove, vodna inspekcija,
- AVP Sava, ISV-vodna knjiga,
- Sektor 40